


# Kuchitjelwa Kwesigaba se-25 seMtsetfosisekelo

**Likomidi leLihlangene Lelibuketa Sigaba se-25 seMtsetfosisekelo (i-CRC Lehlangene)** labamba imihlangano yekulalela luvo lwem mango kuto tonkhe tifundza taseNingizimu Afrika nga-2018. Inhloso lemcoka yalokucocisana kabanti nem mango kwaba kutfolo imibono yem mango lem ayelana neKuchitjelwa Sigaba se-25 seMtsetfosisekelo.

Ngesikhatsi kubanjwe lemihlangano yekulalela luvo lwem mango, kwabutwa lemibuto lelandzelako kute kutsi kutfolwe imibono levakalako yem mango:

- **Ngabe Sigaba se-25 seMtsetfosisekelo sivimba kutsatfwa kwemhlaba nguhulumende kubanikati bawo labangafaneli unikwe um mango ngaphandle kwesincephetelo?**
- **Ngutiphi tingucuko longatsandza kutibona kute kutsi kube nekufezekiswa ngemfanelo kweSigaba se-25 seMtsetfosisekelo?**



## Bobani lekufanele kutsi batimbandzakanye futsi kanjani?

Onkhe emacembu lanenshisekelo nalatsintsekako, lowo nalowo muntfu kanye netinhlaka letihlelekile tiyamenywa kutsi titimbakanye ngekutsi: Tente tetfulo letibhaliwe titicondize eKomidini Lesikhashana leKuchibela Sigaba se-25 seMtsetfosisekelo.

Tetfulo kufanele kutsi tiffunyelwe kuMabhalane weLikomidi Lesikhashana, Umnu. Vhonani Ramaano kungakashayi mhla tinge-29 Indlovulencane 2020.

📍 **Likheli: 3rd Floor, 90 Plein Street, Cape Town, 8000**

✉ **Incwadzigezi: section25@parliament.gov.za**

☎ **Iwatsaphu: 081 410 5932**

## Kuhambela imihlangano yekulalelwa kweluvo lwem mango:

Imihlangano yekulalelwa kweluvo lwem mango itawubanjwa kuto tonkhe tifundza kusukela mhla tinge-28 Indlovulencane 2020 kubomasipala betigodzi labanengi kanye nakubomasipala basemadolobheni lamakhulu eveni lonkhana.

Kumiswa kwavelonkhe kwekusebenta kwetintfo lokwamemetelwa nguMengameli Cyril Ramaphosa ngeNdlovulenkulu ngenca yelubhubhane lwe-Covid-19 kwaholela ekuhlelisweni kwemihlangano yekulalela luvo lwem mango etifundzeni letintsatfu: eLimpopo, eNyakatfo Kapa kanye naseNshonalanga Kapa. Nyalo ngaphasi kwekumiswa kwekusebenta kwetintfo kweLizinga le-1, imihlangano yekulalela luvo lwem mango itawucala futsi ibanjwe **mhla tinge-22 Imphala 2020 kuye kumhla tinge-30 2020.**

Kute utfole lwatiso lolwengetiwe lolumayelana netetfulo kanye nemihlangano wekulalelwa kweluvo lwem mango mayelana naloMtsetfosivivinyo, ungatsintsa Mabhalane weLikomidi Lesikhashana leKuchibela Sigaba se-25 seMtsetfosisekelo Umnu. Vhonani Ramaano ku:

☎ **Lucingo: (021) 4033820**

☎ **Makhalekhikhini: 083 709 8427**

✉ **Incwadzigezi: vramaano@parliament.gov.za**




PARLIAMENT OF THE REPUBLIC OF SOUTH AFRICA

# Kwentekani ngemuva kwemihlangano yekulalelwa kweluvo lwem mango nga-2018?

**Likomidi leLihlangene Lelibuketa Umtsetfosisekelo labhala umbiko lawetfula kuLibandla Lavelonkhe. Lombiko wabalula luhlu lwaletintfo letilandzelako letimcoka letaphawulwa ngum mango:**

- Kunebukati bemhlaba lokungalingani nalokutjেকে ngenhanye kulelive.
- Kuvikeleka kwelilungelo lekuhlala endzaweni kwetisebenti tasemapulazini, lalabacshe emapulazini kanye nalabo labahlala kumhlaba wem mango lolawulwa yi-Trust kufanele kutsi kucinisekiswe.
- Inkohlakalo, sabelomali lesingakaneli kabusha kwemhlaba, kanye nekubete emandla kwembuso kwaphawulwa njengetihibe tenchubo tekuhlelwa kabusha kwemhlaba.
- Umbuso ucelwa kutsi usungule lisubuciko lelicacile lekwiwiwa kabusha kwemhlaba kute kulungiswe kungabi nebulungiswa kwasesikhatsini lesengca.
- Umtsetfosisekelo ufanele kutsi ukusho kucace kutsatfwa kwemhlaba nguhulumende kubanikati bawo labangesiwo unikwe um mango ngaphandle kwesincephetelo njengalenye indlela lesemsetfweni yekuhlelwa kabusha kwemhlaba.




Siswati



PARLIAMENT OF THE REPUBLIC OF SOUTH AFRICA

## KUCHITJELWA KWESIGABA SE-25 SEMTSETFOSISEKELO



parliamentofrsa

# KUCHITJELWA KWESIGABA SE-25 SEMTSETFOSISEKELO

## Ngabe bekunguyiphi imibono lebeyigcamile ngesikhatsi semhlangano wekulalela luvo lwemmango?

### Imihlangano yekulalelwa kweluvo lwemmango yaphetfwa kunemibono lemibili lehlukene.

Umbono wekucala utsi Sigaba se-25 sisihibe ekutsatfweni kwemhlaba nguhulumende kubanikati labangakafali awunike ummango ngaphandle kwesincephetelo, futsi kudzingeka kutsi sichitjelwe. Ikakhulu, Sigaba se-25(1), Sigaba se-25 (2) (b) neSigaba se-25 (3) taphawulwa njengaletiyinkinga. Loku kungenca yekutsi tibonakala njengaletivikela emalungelo emhlaba latfolakala ngesikhatsi sembuso webetive nangesikhatsi seminyaka yelubandlululo.

Umbono wesibili ngulona lotsi Umtsetfosisekelo vele uyakuvumela kutsatfwa kwemhlaba nguhulumende kubanikati bawo labangafaneli uwunike ummango ngaphandle kwesincephetelo. Lombono wesekelwa Sigaba se (2) (a), lesichaza kutsi umhlaba ungatsatfwa nguhulumende unikwe ummango kuphela ngekulandzela kusebenta jikelele kwemtsetfo ngekwetinhloso tahlumende.

Labo labaphikisa lokuchitjelwa kweSigaba se-25 baphindze bachubeka bancoma kutsi lphalamende icitse Umtsetfo Wekutsatfwa Kwemphahla nguhulumende ayinike ummango we-(63) wanga-1975), bese isebenta Umtsetfosivivinyo wesikhashana Wekutsatfwa Kwemphahla nguhulumende ayinike ummango kute uhambisane neSigaba se-25.

## Ngutiphi tincomo tanyalo teLikomidi Lelihlangele LeLibuketa Umtsetfosisekelo?



### Sincomo se-1:

Sigaba se-25 seMtsetfosisekelo kufanele kutsi sichitjelwe futsi sicace mayelana nekutsatfwa kwemhlaba nguhulumende kubanikati bawo labangakafaneli awunike ummango kanye nemphahla ngaphandle kwesincephetelo. Loku kutawulungisa lokungamange kuhambe kahle ngekweilandvo ngekutsatselwa umhlaba, sicinisekise kufinyelela umhlaba ngekungavuni luhlangotsi kanye nekutfufukisa linyenti lebantfu baseNingizimu Afrika.



### Sincomo se-2:

Iphalamende kufanele isungule ngekushesha indlela yekwenta lokuchibela lokudzingekile kuleyo ncenye lefanele yeSigaba se-25 seMtsetfosisekelo.



### Sincomo se-3:

Iphalamende kufanele kutsi yetfule, isebente futsi iphasise Umtsetfosivivinyo Wekuchibela Umtsetfosisekelo ngembikwekuphela kwePhalamende Yentsandvo Yelinyenti ye-5 kute ivumele kutsatfwa kwemhlaba nguhulumende kubanikati bawo labangakafaneli awunike ummango ngephandle kwesincephetelo.

**LePhalamende ye-6 lekhona kwanyalo isebentela kuphotfula lesincomo sekuchibela.**

## Tinjongo teMtsetfosivivinyo



### sigatjana se-2 (b)

Sinika inkantolo yemtsetfo emandla ekutsi itsatse sincumo sekungabikhona kwesincephetelo nangabe umhlaba nome imphahla itsatfwa nguhulumende kubanikati labangakafaneli ayinika ummango ngenca yekuhlelwa kabusha kwemhlaba.



### sigatjana se-3

Sibeka tincabekelwana netimo lekufanele kutsi tibukwe nangabe inkantolo itsatse sincumo lesiphatselene nelinani lesincemphetelo.



### Sigatjana se-3A

Umtsetfo wavelonkhe kufanele kutsi uphasiswe lochaza timo letingenta inkantolo kutsi ifinyelele esincumeni sekutsi kubete sincemphetelo sekutsatfwa kwemhlaba nguhulumende kubanikati labangafaneli unikwe ummango nome imphahla sib. Umtsetfosivivinyo Wekutsatfwa Kwemphahla nguhulumende Kubanikati Langakafaneli ayinike Ummango.

## Kungani Iphalamende ibamba imihlangano yekulalelwa kweluvo lwemmango futsi?

Iphalamende, ngekugunyatwa nguMtsetfosisekelo ifanele kutsi icinisekise kutsi ummango uyambandzakanyeka kuto tonkhe tinchubo tayo, lokufaka ekhatsi kushaya umtsetfo. Kute yenetise lesigunyato, Likomidi Lesikhashana limema onkhe emacembu lanenshisekelo nalatsintsekako, lowo nalowo muntfu kanye nome labahlelekile, kutsi batimbandzakanye kuSichibelo seMtsetfosisekelo se-18, njengaloku siphatselene neSigaba se-25.

Lelikomidi litawunaka yonkhe imibono yemmango lemayelana nekuchibela Umtsetfosisekelo kute kutsi Libandla Lavelonkhe liphasisise loMtsetfosivivinyo.

## Kubaluleke ngani kutimbandzakanya?

Kutimbandzakanya kwemmango yinchubo yentsandvo yelinyenti lecinisekisa kutsi labashaya umtsetfo balalela emavi ebantfu ngesikhatsi bashaya umtsetfo.

## Kutawukwentekani ngemuva kwemhlangano wekulalela luvo lwemmango?

Likomidi Lesikhashana litawubuyisela emuva loMtsetfosivivinyo kuLibandla Lavelonkhe ngemuva kwekunaka yonkhe imibono leletfwe ngummango. Emalunga laseBandleni Lavelonkhe atawubese asavotela leSichibelo seMtsetfosisekelo se-18. Nangabe Libandla laVelonkhe lisiphasisa leSichibelo se-18, loMtsetfosivivinyo utawubese-ke wendluliselwa kuMkhandlu Wavelonkhe Wetifundza (i-NCOP) kutsi kucocisanwe netifundza mayelana naloMtsetfosivivinyo. Nangabe lomtsetfo uphasa, utawubese uvumela kutsi kube nekutsatfwa kwemhlaba kanye nemphahla nguhulumende kubanikati bayo labangakafaneli uyinike ummango ngaphandle kwesincemphetelo.

*“Iphalamende Yebantfu Lesishikashiki futsi Lephendvulako, lelalela bantfu”*